



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iacobi Llobetii Leodiensis E Societate Iesv. Specvlvm
Ecclesiasticorvm, Ac Religiosorvm.**

Llobet de Lanthin, Jacques

Leodii, 1640

§. 7. De Collecta, & voce Hebræa Amen.

[urn:nbn:de:hbz:466:1-47105](#)

368 SPECVLVM ECCLESIASTICORVM,
spiritus, expers corporeæ molis, ac sollicitudinis, ac
Deo velut immersus, qui scilicet quantus est, spiri-
tus est.

Monet deinde quanta vis boni exempli, quomo-
do populi vox, & vita confonia esse soleat vité Sacer-
dotum. Benè precatur Sacerdos, & benè precatur
populus, benè viuit ille, & hic etiam benè: tantum
in illius voce, ac exemplo positum est momenti,
vt certè digna sit Pontifice, digna Petri sede illa sen-
tentia, illud oraculum magni Pontificis Clementis,
cuius meminit Emilius in Ludouico Rege. *Non an-*
tea sanctis viuetur moribus, quam imbuti sanctitate
sint morum magistri, videmus enim subditos emula-
ri mores superiorum, eo prorsus modo, quo umbra
corpus.

§. 7.

De Collecta, & voce Hebræa Amen.

Ailla solemni sacraque salutatione subiicitur
oratio, quæ vulgo *Collecta* dicitur, quia Sa-
cerdos fungens legatione ad Deum pro populo,
huius vota, precesque compendiosa quadam breui-
tate colligit, æternoque Niunini legenda quodam-
modo obijcit. Vbi porro sic obiecerit, sicque pro
populo superos orauerit, vt exoret, hic subnectit
Amen.

Est ea vox Hebræa, de qua sua lis, ac disceptatio.
Eam enim septuaginta ita reddunt, *Amen*, id est,
fiat.

fiat. S. Hieronymus Epistola ad Marcellam fidei- 137.
ter. Origenes verè. Alij certè: quidam etiam, vel ita Tract.
est. Hæc est Authorum pugna de vna vocula amen, 35. in
Math.
ex eo orta, quod aliter, atque aliter accipiatur, modo
enim aduerbium est affirmantis, modo optantis.

Porro mos sacratæ precationi subdendi *Amen*,
iam inde ab Ecclesiæ cunis, primisque initijs inua-
luit, ut testis est Tertulianus libro de spectaculis, vbi c. 25.
acriter eos reprehendit, qui uno, eodemque ore, &
*Sacerdoti, & histrioni responderent, *Amen*.*

Ita habet seuerus morum censor, & antiquitatis
amans in paucis: manus, quas ad Dominum extule-
ris, postmodum laudando histriōnem fatigare: ex ore,
quo amen in sanctum protuleris gladiatori testimoniūm reddere, profanum, sacrilegum, impium: hæc
ille. Ex quibus aperte colligas, quis olim fuerit
piorum sensus, quis æstus deuotionis, quæ obser-
*uantia religionis, vel in vna voce *Amen*, quam ad-*
hiberi ad profana nefas fuit: ne ludis, ne vanitati
aperiretur illud os, & explicaretur ea lingua, quæ
vel vni sacræ voculæ aliquando patuerat: quod si
vel in uno verbulo ita religiosi fuere maiores nostri,
in aperto est, quam in alijs Mislae, & Orationum
officijs seueri, & prope scrupulosi extiterint: con-
tra, laxior est ætas nostra, & in hoc profana, ne di-
cam impia, quod sæpen numero religiosas, sacrasque
voces ad petulantes iocos detorqueat.

Aaa §. 8.